



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cautela Confessarii Pro Foro Sacramentali Occasione
Decretorum S. M. Alex. VII. Innoc. XI. Et Alexandri VIII. ...**

Matthaeucci, Augustín

Francofurti Ad Moenum, 1711

§. XVIII. Fortitudo.

urn:nbn:de:hbz:466:1-40684

Nam tunc totalis significatio tollitur, juxta dicta lib. 5. cap. 4. nro. 14.

IV. Sicut in rebus venereis parvitas materiae non excusat Laicum à mortali, ita nec Religiosum, vel Sacerdotem à sacrilegio, quia in eis rebus illa non admittitur.

V. Quia verò furtum unius oboli parvitas materie est, à mortali excusans, ita à sacrilegio mortali ex parvitatem materiae excusatur, furans obolum in loco sacro, vel religiosus contra votum paupertatis absque licentia de obolo disponens: in his enim gravis irreverentia non appetat rebus sacris fieri.

§. XVIII.

Fortitudo.

127. Quæritur. Quid sit fortitudo, ut sit virtus moralis?

Resp. Est virtus importans firmatatem animi in sustinendis, & repellendis, quando oportet ad bonum virtutis, doloriferis, continentibus etiam pericula mortis, ut, mutilationibus, incarcerationibus, exiliis, tormentis, &c. ipsaque morte; qua cum sint apta frangere cuiusvis animum, & difficile sit firmatatem in eis habere, ac non timere mortis pericula, necessaria est virtus, qua moderetur timorem, ne nimis timendo mortem, Deum offendamus relinquendo virtutis exercitium, & moderetur audacians, ne plus aggrediamur, quam facta ratio dicit.

128. Audacia committitur temeritate expositione. In hoc genere, præcipuus actus fortitudinis est, prudens ani-

madversio cum cautela periculorum, ne exponatur, ubi sine ulla utilitate, vel necessitate mors sequeretur. Ideo, etiam viri sancti mortem, quando eam subire non oportebat, per fortitudinis actum præcaverunt.

Hinc fortis est Parochus, qui videt sibi imminere mortem, & officium suum, & charitatem erga pestis infectos exercet fortis ausu, periculum mortis contemnens. Fortes fuerunt antiqui Christiani, qui sine querela sustinuerunt exilia, bonorum amissionem, &c. & fortissimi martyres (ideo dicti, quasi testes fidei Catholicæ) qui pro Christi fide, animo fortis, & firme absque metu, ipsam mortem à Tyrannis tolerarunt.

Dices. Fides obligat sub mortali, ut, non obstante quocumque, etiam mortis periculo, non negetur, sed confiteatur; quia licitum non est, ob timorem cuiuscumque mali, etiam mortis, fidem negare, vel alias virtutes violare, sed quilibet fidelis tenetur se morti expondere pro defensione omnis Christianæ virtutis: Ergo non fortitudo eam firmatatem præstat.

Repl. Negando consequiam. Licet enim aliarum virtutum præcepta, etiam cum mortis periculo obligent, & homines sic in facti contingentia exequi teneantur; non sequitur tamen, quod ipsa virtus exequenda in tali periculo sit fortitudo, sed hæc ab ea in sublidum imploratur: explico: coram Tyranno mortem minante est confitenda fides: fides tunc cum Dei auxilio facit internè credere firmissimè ea, quæ à Deo sunt revelata Ecclesiæ Catholicæ, & confiteri externè talis alienum; sed fortitudinis virtus fa-

cit

cit pro eo loco, & tempore, ut fidelis promptè, alacriter, & sine metu. Tyranno refusat, & mortem pro fidei veritate gloriose sustineat. In privatione delectationis venerea, & separationis ab amica sentitur difficultas, hæc superanda est à castitate, pro qua conservanda debet mors sustineri; difficultas vero, quæ in eo sentitur, à fortitudine superatur. Quamobrem, ut dixit Laura to. 2. *de virtu. in gen. disput. 26. art. 4. num. 53.* difficultates procedentes à passionibus, quæ non respiciunt malum, seu damnum externum, ut cruciatus, amissionem bonorum, &c. superari debent à particularibus virtutibus per proprii actus exercitium; dum verò pro exercitio talium virtutum aggredienda sunt, & superanda difficultia exteriora, quæ tale aliquod damnum possunt inferre: vel sustinenda sunt mala illa, quæ jam advenerunt, necessaria est fortitudo, ut ab illis distinetur. Hinc dicitur, quod fortitudo est virtutum custos, & quod semper, vel ferè semper conjuncta est cum aliqua alia virtute; *Legendum ille.*

129. Queritur. *An fortitudo obliget ad suum actum?*

Resp. Ad internum, qui ponitur in prompta voluntate, quæ sumus parati, etiam subire pericula mortis, ubi unum ex his immineret, quām Deum offendere, semper obligamus: quia semper parati esse debemus vitare potius Dei offensam, etiam minimam, quām cætera mala pœna, etiam gravissima. Ad externum, hoc est, ad ipsam actualem externam tormentorum, & mortis passionem tenemur in casu particulari, & dum occasio se præbet, vel sustinendi pœnas, aut

mortem, ne, vel fides negetur, castitas violetur, &c. quo casu ad actum fortitudinis minus per accidens, ut V.G. Fides confiteatur, & non negetur, sub mortali obligamus. In ammet Christiano mors à Tyranno, si fidem non neget: duo Christiano præcipiuntur, hoc est, internus actus fidei cum externa ejusdem confessione, & ipsa mortis perpeffio; ad primum obligatur per se, seu obligatione proveniente ab ipsa virtute fidei, quæ præcipit, ut non negetur, etiam cum periculo vita: ad secundum per accidens, in ordine scilicet ad exercendum actum fidei; propter ea, dum vi tormentorum fidem abnegat, non tenetur in confessione explicare, quod omisit actum fortitudinis, sed sufficit, si accuset peccatum negationis, & cætera juxta dicta cap. I. n. 3. Campion. p. 2. cap. 44. n. 13.

130. Queritur. *Quæ virtus fortitudini finit opposita?*

Resp. I. Per excessum in timendo opponitur timiditas, quæ de sua natura est veniale, sed per accidens, & ratione alterius fit mortale; dum inordinate, & plusquam amanda sit, agravat vita; & inde fit, ut ad vitandas pœnas, vel mortem, quis eas non sustineat, Christum neget, fornicetur, &c. II. Per excessum in audendo opponitur audacia, seu impaviditas, ratione cuius homo magis, quām debet, exponit vitam, & bona temporalia. Quæ est mortale, vel veniale pro gravitate, vel levitate mali sequendi. III. Per defectum in aggrediendo pericula opponitur vecordia, quæ homo, ut debet, & potest, deficit in audiendo aggredi, & tentare pericula.

131. Quæritur. *Quæ virtutes ad fortitudinem reducantur?*

Resp. I. Magnanimitas. II. Magnificentia. III. Patientia. IV. Perseverantia.

132. Quæritur. *Quid sit magnanimitas Christiana?*

Resp. Si loquimur de ea, quæ ponitur pro gradu quodam perfectionis fortitudinis, idem est, ac animus promptus ad subeunda ob bonum virtutis, lumine fidei presupposito, etiam magna pericula mortis; prout plures virtutis sancti fecerunt. Si vero sermo sit de ea, ut est fortitudini annexa, est idem ac *virtus magnorum bonorum desideria moderans, erigens spem, ut quis cum Dei auxilio, vel propter Deum, tentet magna opera, quæ magno honore sunt digna;* propter quæ & ipse magno honore dignus reputatur; circa quem tamen ita magno animo est, ut in honorem primarij non tendat, nec pro magno mundanum honorem faciat, sed circa opera, & res præclaras propter Deum occupatur, ad quas sequitur, ut inde honoretur. Verum honores promeritos suscipit, vel recusat, prout Dei gloria, sua, & aliorum saluti conduce-re judicat; nec extollitur, si honoretur, sed ad Dei gloriam utitur. Exemplum: magnum in Dei gloriam, & Sanctorum honorem templum juxta tuas vires ædificas: publica commoditatibus hospitale relinquis: oblatum tibi ab Ecclesia in populi utilitatem officium periculis plenum non refugis, confidens cum Dei auxilio illud implere; propter qua honorari, & laudari non parum mereris, magnanimus es.

133. *Est magnanimus alienus à pra-Matthaucci Cantela Confess.*

sumptione, quia non aggreditur opera, sicut præsumens, supera suas vires, & merita: ab ambitione, cum non primarij, nec directe, sicut ambitiosus querat honores, nec falsos, vel, qui ad opera mala sequantur. *A vanagloria, quia non de opere moraliter malo laudare appetit:* Et à pusillanimitate, quia ex parvitate animi, vel suam auctoritatem, dignitatem, & privilegia defendere, aut officium periculis, & difficultatibus abundans, sibi in proximi utilitatem datum, amplecti non neglit.

134. Hinc habes virtus Magnanimitati opposita esse Præsumptionem, Ambitionem, inanem Gloriam, & Pusillanimitatem; quæ tamen per se non sunt mortalia, quia Magnanimitas, cui opponuntur, ex sua natura sub mortali ad suum actum non obligat; nam magna hic, & nunc, ad quam ipsa dirigit supererogationis, non necessitatis opera sunt. Verum per accidens, & cum ex aliis capitibus habent defruere charitatem, mortalia fieri possunt: ita mortaliter peccas, si sine jurisdictione absolvias: non ordinatus in Presbyterum consecres. Nam super tuas vires præsumens, sacrilegia committis. Si Episcopatum per simoniam acquiras, ut inde honoreris: si honores divinos quereras, ambitio in te letalis est. Si de furto, stupro, &c. laudari cupias, inanis gloria est peccaminosa graviter. Si ex animi dejectione dignitatem tuam non defendis, & inde sequitur contemptus Ecclesiastice prælature, Pusillanimitas est lethalis.

135. Quæritur. *Quid sit magnificentia?*

Resp. Magnificentia Christiana est vir-

(T)

tus

tus inclinans ad erogandos magnos sumptus in opera sumptuosa, magna, & decentia in ordine ad Dei gloriam, & salutem suam, ac proximi commoditatem, ut est erection templi, Monasterii, &c. Verum, ut quis magnificus dicatur, debet sumptus, quos facit; excedere, qui regulariter solent inter homines fieri, nec solum debet animum habere expendendi in opus magnum magnam pecuniarum summam, sed debet etiam expendere, quia hujusmodi animus potest & in paupertate esse, qui magnificus non dicitur. Immodo ratione magnificentiae est, ut thesaurorum effusio ita magna sit juxta dignitatem personae, ut non sit facilis & equalis, aut superabilis; propterea, si Rex, vel alius Princeps impendat in opere aliquo magno, plusquam privatus, non proinde est magnificus; sed si effundat supra alios sibi pares, ut non possit facile aquari, aut superari.

136. Petitur. *An magnificentia distinguatur a prodigalitate, & liberalitate?*

Resp. Affirmative; à prodigalitate, quia hoc dat plura; sed non secundum ordinem rationis, & quando non oportet: magnificentia autem plura erogat, sed non nisi, ut oportet ad magnifica, & sumptuosa opera pro sacrificiis, vel pro publica utilitate; à liberalitate etiam, quia liberalis solium in parvis, & mediocribus, & raro in operibus sumptuosis opes erogat.

137. Vitia opposita Magnificentiae, sunt I. *Parvissimia* per defectum; & est, dum quis vel non aggreditur magnum opus, ut convenient, ne faciat magnas ex-

pensas: vel aggreditur, & in eo non vult consumere expensas proportionatas magnitudini operis: Ex genere suo non est peccatum mortale, sed potest fieri per accidens, ut si adeo pecunias desideres, ut paratus sis ob ipsarum amorem Deum offendere.

II. *Pecuniarum consumatio* in hoc consistens, quod magni thesauri profundantur excedentes operis dignitatem; Quæ etiam potest per accidens esse mortale, ratione iusti documenti, ut, si legatis non fiat fatis, iustitia non admistretur, &c.

Dices. Magnificentia Deo tribuitur, sed ut sic non respicit pecuniarum, & Thesaurorum profusionem, sed solum opera magna, & excelsa, ergo à nobis non bene fuit descripta.

Resp. Nos descripsisse Magnificentiam, ut est sub liberalitate, & specie ab ipso diversa, non verò prout significat habitum, vel actum faciendi opera magna, & excelsa in quovis genere rerum: hanc Deus in operibus creationis, redemptionis, justificationis, & miraculis magnis ostendit. De quo pro Confessario fatis.

138. Queritur. *Quid sit patientia?*

Resp. Est constans in rebus adversis propter Deum, tolerantia. Additur propter Deum, ut Confessarius videat discrimen patientiae Christianæ ab alia. Ad recuperandam sanitatem sustinet fortum, & ignem, patiens es, sed in patientio non mereris: ea sustinet ex amore Dei, vel, quia tuis peccatis majora debentur, vere patiens es; & dum iustus sis, talis actus est meritorius. Christus non omnes, qui persecutiones pa-

tiuntur, beatos prædicat, sed qui patiuntur propter justitiam.

139. At petitur. *An teneamur aliquid sub mortali ad exercendum a dum patientia?*

Resp. Sub mortali tenemur esse dispositi ad toleranda mala, quæ nobis possunt accidere, ne charitatem perdamus, aut ne mortaliter peccemus: Ad exterum actum patientiae tunc sub mortali tenemur, ea mala patienter tolerando, cum sine illo charitas non potest servari; & propterea, quia patientia tunc obligat ratione charitatis, solum per accidens obligabit. Consequenter in confessione non obligabimur explicare omissionem actus patientiae, sed satis erit aperire mortale, quod omittentes eum commiserimus.

Ex his habes impatientiam, quæ patientiae opponitur, per se non esse mortale; sed per accidens sit rationale scandali, aut mali gravis, quod quis impatientia vixius committere proponit; vel ob perfidia, blasphemias, & imprecações, in quas prorumpit.

140. Quæritur. *Quid sit perseverantia?*
Resp. Est virtus, per quam, non obstante temporis diuturnitate, difficultate, & molestiis, homo persistit in bono opere, prout id à recta ratione dictatur. A Confessorio ad sex menses te obligante recitare quotidie psalmum De profundis, petis, ut tibi id mutet in duo Defunctorum officia, unica vice recitanda: recusas primum, quia id, ratione durationis difficilius est, quam difficile sit duo officia recitare; sed dum illud eligis, difficultatem ex diuturnitate provenientem per perseverantiam vincis.

Actus internus perseverantiae est elecio sustinendi in rebus difficultatem ex diuturnitate provenientem: externus autem est ipsa persistio in actu exercito: de quorum actuum obligatione discurras, juxta dicta de patientia.

141. Quæritur. *Quæ virtus opponatur Perseverantiae?*

Resp. I. Per defectum Mollitatis; non ea castitati opposita, sed per quam homo ratione mellis, & delicate vite nolens diu delectatione, & voluptate carere, cedit difficultati, quæ in bonorum operum exercitio occurrit. Estque mortale, cum ipsa charitas non servatur.

II. Per excessum Pertinacia; in eo consistens, quod quis ita suæ sententiae adhæreat, ut nolit cedere, quibus, & quando secundum rectam rationem cedere debet. Quæ pariter lethalis est, dum cum ea charitas servari non potest: sed, dum quis obligatur sub mortali alteri cedere, & cedere non vult. Obligamur omnes subjecere intellectum definitionibus Ecclesiæ, credendo, quæ ipsa erenda proponit; si non cedas credendo, sed, ubi cis nanc, vel illam Ecclesiæ definitionem, oppositum teneas, pertinax es, & mortaliter peccas, cum in materia fidei pertinax sis, & hereticus. Teneris Romano Pontifici præcipienti obediere, si obedientiam negas, es pertinax, & schismaticus, juxta dicta cap. 7. nn. 24. Debes obediere legi præcipienti sub excommunicatione majori non alienare bona Ecclesiastica, sine consensu Sedis Apostolice; alienas, pertinax, contumax, & inobediens diceris. Et ex his ad similia.